



**TOSHKENT DAVLAT YURIDIK UNIVERSITETI REKTORINING
B U Y R U G' I**

27.01.2022 yil

10 um-son

**O'zbekiston Respublikasi Prezidenti qarori ijrosini
ta'minlash haqida**

O'zbekiston Respublikasi Prezidentining 2021-yil 24-dekabrdagi "Davlat Oliy ta'lim muassasalariga moliyaviy mustaqillik berish chora-tadbirlari to'g'risida"gi PQ-61-son qarori hamda Adliya vazirining 2021-yil 30-dekabrdagi "O'zbekiston Respublikasi Prezidentining 2021-yil 24-dekabrdagi "Davlat Oliy ta'lim muassasalariga moliyaviy mustaqillik berish chora-tadbirlari to'g'risida"gi PQ-61-son qarori ijrosini ta'minlash haqida"gi 347-um-son buyrug'i ijrosini ta'minlash maqsadida

B U Y U R A M A N:

1. O'zbekiston Respublikasi Prezidentining 2021-yil 24-dekabrdagi "Davlat Oliy ta'lim muassasalariga moliyaviy mustaqillik berish chora-tadbirlari to'g'risida"gi PQ-61-son qarori (keyingi o'rinlarda - qaror) hamda Adliya vazirining 2021-yil 30-dekabrdagi "O'zbekiston Respublikasi Prezidentining 2021-yil 24-dekabrdagi "Davlat Oliy ta'lim muassasalariga moliyaviy mustaqillik berish chora-tadbirlari to'g'risida"gi PQ-61-son qarori ijrosini ta'minlash haqida"gi 347-um-son buyrug'i ma'lumot va ijro uchun qabul qilinsin hamda qaror ijrosini ta'minlash bo'yicha chora-tadbirlar rejasi ilovaga muvofiq tasdiqlansin.

2. Qaror bilan:

Toshkent davlat yuridik universiteti (keyingi o'rinlarda-Universitet) moliyaviy mustaqillik berilayotgan davlat oliy ta'lim muassasalari ro'yxatiga kiritilganligi;

Universitetda kuzatuv kengashi tashkil etilishi ko'zda tutilib, uning vakolatlari belgilanganligi;

moliyaviy mustaqillik berilayotgan davlat oliy ta'lim muassasalariga 2022-yil 1-yanvardan boshlab quyidagi masalalar bo'yicha, ya'ni:

ta'lim xizmatlari bozoridagi talabni inobatga olgan holda to'lov-kontrakt asosida o'qitish qiymatini belgilash;

talabalarning to'lov-kontrakt mablag'larini to'lash muddatlarini belgilash va uzaytirish;

ta'lim jarayoniga zamonaviy pedagogik texnologiyalarni qo'llay oladigan va ilmiy izlanish olib boradigan mahalliy hamda xorijiy professor-o'qituvchi va mutaxassislarni shartnoma asosida jalb qilish;

o'quv-ilmiy jarayonlarga jalb etilgan xorijiy yuqori malakali mutaxassislar mehnatiga haq to'lash miqdorlarini bozor konyunkturasidan kelib chiqib belgilashga oid qarorlar qabul qilish;

professor-o'qituvchilar shtat birliklarini kiritish me'yorlarini ishlab chiqish;

o'z mablag'lari hisobidan talabalar uchun stipendiya va grantlar ajratish;

xorijiy davlatlardan o'quv va ilmiy adabiyotlar, darsliklar hamda o'quv qo'llanmalarni mualliflik huquqi bo'lgan ishlab chiqaruvchilardan to'g'ridan-to'g'ri xarid qilish;

bo'sh turgan bino va inshootlarda pullik xizmatlar ko'rsatish tartibini belgilash;

avtotransport vositalarining yo'l bosish yillik limiti va ularga xizmat ko'rsatish talablarini belgilash yuzasidan mustaqil qaror qabul qilish vakolati berilganligi;

bakalavriat ta'lim yo'nalishlari, magistratura va klinik ordinatura mutaxassisliklari kesimida qabul shartlarida to'lov-

kontrakt qiymati tabaqalashtirilgan miqdorlarda belgilanishi mumkinligi ma'lumot va ijro uchun qabul qilinsin.

3. Shuningdek, qarorga muvofiq universitet quyidagilarni nazarda tutuvchi moliyalashtirish tartibiga o'tkazilganligi inobatga olinsin:

barcha ta'lim yo'nalishlari va bosqichlari bo'yicha bir talaba uchun to'g'ri keladigan o'rtacha xarajat miqdori hisoblab chiqiladi;

davlat buyurtmasi (davlat granti) asosida kadrlar tayyorlash uchun davlat budjetidan ajratiladigan mablag'lar Vazirlar Mahkamasi tomonidan belgilangan tartib asosida bir talabaga to'g'ri keladigan o'rtacha xarajat miqdoridan kelib chiqib belgilanadi;

davlat granti asosida ta'lim olayotgan talabalar uchun budjet mablag'lari bo'ysunuvi bo'yicha tegishli vazirlik va idora hamda oliy ta'lim muassasasi o'rtasida imzolanadigan bitim asosida ajratiladi (bundan maqsadli mablag'lar, shu jumladan stipendiya to'lovlari, yetim bolalar va ota-onalar qaramog'idan mahrum bo'lgan bolalarning ijtimoiy himoyasi uchun qonunchilikda belgilangan mablag'lar, oliy ta'limdan keyingi ta'lim xarajatlari hamda O'zbekiston Respublikasi Prezidenti va Vazirlar Mahkamasining alohida qarorlari asosida ajratiladigan boshqa mablag'lar mustasno);

davlat granti asosida ta'lim olayotgan talabalar uchun ajratilgan budjet mablag'lari (bundan maqsadli mablag'lar mustasno) oliy ta'lim muassasasining budjetdan tashqari mablag'lari bo'yicha shaxsiy g'azna hisobvarag'iga o'tkazilishi va hisobot davri oxirida mablag'larning qoldig'i oliy ta'lim muassasasi ixtiyorida qoldiriladi;

davlat buyurtmasi sifatida ajratilgan mablag'lar hamda to'lov-kontrakt mablag'lari bo'yicha daromadlar va xarajatlarning smetasi tegishlilik bo'yicha yuqori turuvchi vazirlik va idorada ro'yxatdan o'tkaziladi hamda ulardan foydalanish budjet tashkilotlarini rivojlantirish jamg'armasi uchun belgilangan tartibga o'xshash tartibda amalga oshiriladi va bunda moliya yili

davomida daromadlar va xarajatlar smetasiga kiritiladigan o'zgartirishlar Moliya vazirligi bilan kelishilmaydi;

talabalarni to'lov-kontrakt asosida o'qitish qiymati universitet tomonidan ta'lim xizmatlari bozoridagi talab va taklifdan kelib chiqib, biroq tegishli yo'nalish bo'yicha davlat oliy ta'lim muassasalarida belgilangan bazaviy to'lov-kontrakt qiymatidan uch baravardan ortiq bo'lmagan miqdorda belgilanadi.

Mablag'lardan oqilona va samarali foydalanish, jumladan xodimlar mehnatiga haq to'lash va stipendiya to'lovlarini o'z vaqtida hamda to'liq amalga oshirish uchun javobgarlik tegishli oliy ta'lim muassasasi rahbari zimmasiga yuklanadi.

4. Moliya-iqtisod ishlari bo'yicha prorektor (A.Iminov):

asosiy vositalarni ijaraga berishdan tushgan mablag'ning 1 foizi — Davlat aktivlarini boshqarish agentligining hududiy bo'linmalari huzuridagi davlat mulki ijara markazlariga, qolgan qismi — elektron savdo maydonchasi operatoriga to'langan to'lov chegirilgandan keyin mazkur oliy ta'lim muassasasining budjetdan tashqari rivojlantirish jamg'armasiga yo'naltirilishini ta'minlasin;

asosiy vositalar va tovar moddiy boyliklarni (yer, bino, inshootlar, jumladan operativ boshqaruvga berilgan bino va inshootlar hamda o'quv-ilmiy laboratoriya jihozlari bundan mustasno) sotishdan tushgan mablag'lar to'liq Universitet ixtiyorida qoldirilishini inobatga olsin;

mablag'larning sarflanishi yuzasidan yuqori turuvchi vazirlikka (idoraga) har chorakda belgilangan tartibda hisobot berilishini doimiy nazorat qilib borsin;

davlat budjetidan ajratilgan mablag'lar, xarid qilingan tovarlar va xizmatlar, amalga oshirilayotgan loyihalar hamda tasarrufidagi mablag'lar, moddiy boyliklar va mulkdan foydalanish to'g'risidagi boshqa ma'lumotlar o'z rasmiy veb-saytlariga muntazam joylashtirib borilishini ta'minlasin.

5. Moliya-iqtisod ishlari bo'yicha prorektor (A.Iminov), Kadrlar bo'limi (Sh.Xamraqulov), Moliya-iqtisod bo'limi

(A.Raximov) universitetda ichki audit va moliyaviy nazorat xizmatini tashkil etish bo'yicha takliflar kiritsin.

6. Devonxona (X.Abdullaev) mazkur buyruqni barcha tarkibiy tuzilmalarga yetkazilishini ta'minlasin.

7. Mazkur buyruq ijrosini nazorat qilishni o'z zimmada qoldiraman.

Rektor



A.TASHKULOV

Toshkent shahar

Kiritildi:

Bosh buxgalter

M.PARPIYEV



Kelishildi:

O'quv ishlari bo'yicha prorektor -
TDYuU qoshidagi akademik litsey
direktori

I.RUSTAMBEKOV



Bo'lim boshlig'i

SH.XAMRAQULOV



Devonxona mudiri

X.ABDULLAYEV



Bo'lim boshlig'i

A.RAXIMOV



Direktor

A.KARIMOV



Boshqarma boshlig'i

D.MAXKAMOV



Moliya-iqtisod ishlar bo'yicha
prorektor

A.IMINOV



Rektor yordamchisi

S.IBODULLAYEV



Xalqaro hamkorlik va uzluksiz ta'lim
bo'yicha prorektor

D.UMAROV



Katta yuriskonsult

E.XOSILOV

